



John Carter Brown.


LIBRAIRIE ANCIENNE
DE
FREDERIK MULLER.

AMSTERDAM,

HEERENGRACHT PRÈS DU OUDE
SPIEGELSTRAAT, N^o. 130.



BOUND BY W. PRATT FOR H. STEVENS 1861



ARGO-NAVTA BATAVVS,

Sive expeditionis Navalis, quam alter noster
IASON, & Heros fortissimus, PETRVS
HEINIUS, sub auspicijs Illustrissimorum &
potentissimorum DD. ORDD: &
Illustrissimi Principis Auraici, In-
clytæq; Societatis Indiæ Occi-
dentalis ductu nuper
suscepit:

Et Victoriæ in sinu Matanzæ divinitus
reportatæ

HISTORIA

Carminè heroico descripta, & publicè recitata;
à

FRANCISCO MARTINI
Scholæ Campensis Discipulo.



CAMPIS.

Ex officina Petri Henrici Wyringani,
sub signo Typographiæ.

CID 10 CXXIX

MAGNIFICIS, NOBILISSIMIS,
AMPLISSIMIS, & CONSVLTISSIMIS,
D. D. CONSVLIBVS,
&
SENATORIBVS,
Inclytæ & liberæ Imperialis civitatis
CAMPENSIS,

Mæcenatibus, ac studiorum suorum
Promotoribus

Dicat Consecrat

Franciscus Martini Scholæ
Campensis Discipulus.



Hesperios populos, habitataq; Regna per Indos,
 Aeternæ cantrix laudis, famæque perennis,
 Musa, precor, non segnis adi: reducesque Batavos
 Concomitare, virum victricia pectora laude
 Indue perpetuâ, caput insuperabile lauru
 Cinge sacrâ, fortique rotâ super æthera nomen
 Transvehe, Barbaricis celebrandum gentibus olim
 Martia sis virtus præsto: atque è nube duelli
 Occidui, mare per magnum prodire memento,
 Belgiacæque plagæ paulisper in aere sudo
 Exulta, Hesperij præclarâ luce Triumphi.

Fortunata dies verè, quâ Belgica vela
 Occidui primùm dices Titanis ad Indos,
 Per fluctus ivère novos, ad littora Gangēs,
 Littora quæ memorant baccis auroque beata,
 Splendet arena micans ubi fulvæ semine massæ,
 Gemmiferis ubi ripa nitet non prodiga conchis,
 Quicquid & in toto sæcundum nascitur orbe,
 Ille locus ferè solus habet, gignitque fovetque:
 Hinc nobis vehitur, luctus tristesque dolores
 Quicquid depellit, quicquid fert gaudia vitæ,
 Militat & contra morbos, prodromosque rapacis
 Funeris: Hinc etiam portantur dulcia nobis
 Sacchara, coelestis gratissima munera Patris.
 Multaque præterea rerum miranda novarum,
 Quæ vel ob angustos numeros consultus omitto.

Prima tamē ratio est, Patriam defendere ab armis,
 Nam locus est terris, à nostro climate pauló
 Semotus, dives gaudens Hispania dici :
 Ferrea vox genti, facies deformis & atra,
 Incussura metum, tibi Dæmon, turpia membra,
 Mens mage crudelis, pelagive ferocior undis,
 Si vestes addas, aderit gravis horror in istis :
 Quippè superba nimis fert frons ad sidera cristas,
 Compositasque manus facinus consuecit ad omne,
 Non prece, sed precio miserorum dira movetur,
 Gens mendax, & avara, rapax, crudelis & audax,
 Moxque fidem spondens, qualem nec sæcula norint
 Prima, nec ætatis venturæ postera noscent,
 Moxque fidem rumpens, quali didicere Pelasgi
 Perfidiâ, pacem fatagens violare manumque.

Hac cum gente salo, Belgas fera bella, soloque
 Exercere diu viderunt plurima lustra.
 E quibus, ut Batavæ virtutis clara Trophæa
 Belgica terra tulit : Sic contra Celtiber inde
 Sævitiæ monumenta suæ ploranda retraxit.
 Sæpè laceffitus crudeli gentis Iberæ
 Tormento simplex Indus, complevit amaris
 Questibus, & multis lachrymis Gangetica rura,
 Sæpè plagas nostræ velis tetigere carinæ
 Lucifluas, matutino sola subdita Soli,
 Occiduisque simul vicinum littus arenis,
 Indus ut Hollandis adjutus, & auctus ut Indis
 Hollandus, possent communes jungere Vires,
 Celtiberumque suis Gazis fraudare Tyrannum,
 Indica quas pariunt montana cacumina civi
Hispano

3
Hispano, quæis fretus Iber, nos fulmine belli
Concutit assiduo, robur capit inde nocendi,
Diteque suffultus glebâ, sua regna Triumphis
Nobilitat, nostro Germanorumque dolore.

Hinc sunt illa duo Batavis collegia, quorum
Illud ad Eöos, hoc Solis tendit ad Indos
Decidui, vada falsa quidem metitur utrumque
Classibus, Hispanique cupit contundere vires :
Ast hoc lethali prædæ mucrone Tyrannum
Stravit, & infesto divisit vulnere Gazas,
Quas Potosus nuper fulvis eduxerat antris,
Nutrierat divesque Peru, calidæque Matanzæ,
Exuviasque viristales detraxit Iberis,
Colchide ab ignotâ quales portavit Iason
In Patriam, Argivæ clarissima gloria gentis.

Ergo huius cantabo rates, cantabo virorum
Gesta, per æquoreos campos, Neptuniaq; arva.
Tu vatem, tu Christe move, spiresq; furorem
Arcibus ætherijs, magni regione Tonantis.
Deposcant alij Divûm sua numina Vates,
Ille furoriferum compellat Apollina voce,
Hic Clius implorat opem, Cliusque Sororum.
At tu sole meis cæptis illabere Christe,
Spiritus è Cœlo tuus addat opemq; manumq;,
Vnus es, à cuius munimine pendeo totus,
Tu potes infantes in cantica solve læta,
Guttura tu mutis aperis, verboque beato
Iratum sistis pontum, Boreamq; furentem.

Cæruleis portanda vadis iam classis Ibera
Scandit aquas solitas, fulvis onerata metallis :

Qualis ubi in sylvis lapidoso profilit antro
 Induperatoris conjunx truculenta ferarum,
 Quam vexat triduana fames, tum protinus omnes
 Incipiunt pecudes horrescere, mollia corda,
 Hæc pergens furibunda gregem, solamina ventris
 Corripit, ac uno nunquam satiatur in agno:
 Haud secus Hispanæ deterrent obvia puppes,
 Pondere sub quarum Nereus gemit æquore in imo;
 Neve pares humeros oneri se subdere posse
 Ostendit, refugo dum fluxu contrahit undas.

Illustres ergo Proceres, quos Belgica nutrit
 Tellus, ac summas pelagi permisit habenas,
 Consilium capiunt hostilem perdere classem,
 Et prædâ veteres Patriæ sarcire ruinas.
 Vir fuit antiquis minor haud Heroibus, olim
 Itala quos genuit, Tellusve Pelasga creavit,
 Ingenio motûs avidus, raræq; fidei,
 Et catus & rerum prudens, nec devius æqui,
 Armato hostilis nullus pavor, ast proba virtus,
 Et famæ stimulatus honos, imisq; medullis
 Conflagrat vindex sitis, Hispaniq; cruoris
 Æstus, & asplendet capiti decor usq; virilis,
 Dedecus & turpes gaudens abolere parentum
 Torturas, & Iberorum violata virorum
 Fœdera, vindictâ memori punire requirens.
 Ad duo lustra duos Phœbus superaddidit annos,
 Quo regnis ipsum memorant cessisse paternis,
 Nostraq; liquisse, ut Gangetica littora posset
 Explorare, soli Patrij stimulatus amore.
 Hunc sibi ductorem fidum elegere Batavi,

Huic

Huic primum ratis imperium tribuere, secundum
 Nobilitas cui longa dedit cognomina LONCKI,
 Certatim comites rerum, belliq; ministri
 Agglomerant sese, atq; acres sociare labores
 Exposcunt, quascunque mari ducantur in oras,
 Ligna; quæ dudum steterant in montibus altis,
 Fluctibus ac longis jam sunt aptata carinis,
 Addimus antennas, & vela sequentia malos,
 Quos Euri, Boreæq; trucidis confringere flabra
 Non facile possent, & quæis obsistere Scylla,
 Bosphorus, & quicquid fluctus peperere, recusant.
 Imbre sub exiguo non audent flere rudentes,
 Transtra superbirent, si nossent, qualia secum
 Robora portarent, per atrocia murmura ponti.
 Navita, qui dextrâ clavum prudente gubernat,
 Scit placidis lætas Zephyris ostendere puppes,
 Scitq; Notis rabidis velox subducere easdem.
 Singula quid referam? Variæ stant littore naves.
 Plurima utrumq; latus defendit machina, cuius
 Moenia quassa ruunt impulsu, cuius ab ore
 Fulmivomo volat igne globus permixtus & atro
 Sulphure, terribilem sonitum super æthera spargens,
 Hæc si nubivago maculaverit aëra fumo,
 Nec tibi Sol clarus, nec erit tibi lucida Phœbe,
 Omnia tartareis solet hæc implere tenebris!

Tum verò ex omni bis denæ classe carinæ
 Sunt lectæ, quarum numero superaddere septem
 Visum est, has implent juvenum tria millia, nervi
 Ac decus Hollandum, febrilis at horror Iberi:
 Sunt animi magna spe magni. Non secus, ac si

Limes uterque poli peterentur præmia, quodque
 Cardine sol missus Nabathæo conspicit uno.
 Sese posse die calidis percurrere bigis.
 Celtiberas spirat pugnas exercitus omnis,
 Belgiacus Tiphys cessandi tempora damnat,
 Quilibet exceptat pelago decurrere aperto,
 Et Batavas ardet jamdudum relinquere sedes.
 India luminibus juvenum vigilantibus hæret,
 India sopitis oculis quoq; semper oberrat,
 Sive diem ducit Sol, seu vaga Cynthia noctem,
 Mens ultra auriferos omnes studiosa vagatur;
 Hic ubi non sterilis terræ stant viscera fulva,
 Parturiunt montes, generosum nascitur aurum,
 Temperies cœli miranda, nec aëris aura
 Murmure sollicito volitat, creperoq; susurro,
 Omne sed hinc frigus tepidis afflatibus arcet.
 Sunt uberes fructus, nova proles altivolantum,
 Tristia demulcens cantus modulamine corda,
 Et nova quadrupedum species, quæ cognita nullis
 Temporibus, nullisq; locis terræque fretique.
 Simplicitas rudis hîc homini, atq; antiqua remansit,
 Illa licet reliquum dudum sceleraverit orbem
 Degenerans, tamen hîc amor imperiosus habendi
 Iuris habet nihil, ac totidem scelerata voluptas:
 Illa quidem tormenta gravi gens passa dolore
 A truce Celtibero, quæ vel proferre nequirem,
 Ora licet centum, centum licet ora moverem,
 Vsque tamen decepta dolo fraudare recusat,
 Et magis vult vinci, vetitâ quam vincere fraude.
 Ver erat, ac primò tellus ridentia vultu

Gramina

7
Gramina promebat, cum pulso frigore tristis
Cessat hyems, & cum frondosos alta capillos
Egerit arbor, ovans solita mox prole volucrum,
Iamq; exuta gelu respondent sidera longis
Solibus, atq; ibat decimam post, tertia lucem,
Lux quinti mensis referentis nomina Maiæ.
Tum nova cæruleum classis conscendit in æquor,
Margine soluuntur lætæ retinacula puppis :
Exultant undæ, fluctus sensisse putares,
Sic hilari strepitu, sic dulci transtra susurro
Excipiunt, salvere jubent, oneriq; viam dant,
Se comitem ventus præbens prolabitur inde,
Vnde novus Sol mane venit cum luce diurna.
Ille igitur simul arva fugâ, simul æquora verrit,
Velaque protrudit longis pendentia malis :
Paulatim pelagus, nunc ardua crescere nubes
Incipit, & tellus longè decrescere ponto,
Suspectu vasto sensim cessare retrorsum
Aeriæ turres, quæ mox vanescere gaudent,
Nunc altum tenuere rates & nullibi tellus
Amplius apparet, cum nil nisi comminus undæ ;
Eminus atque undæ, cum nil nisi pontus & ær,
Illæ procedunt equatis undique velis
Gaudentes Euro, quem nec spiramina plenis
Buccis flata queunt unquam lassare, nec ingens
Æquor eum novit defessum reddere, jussas
Semper hians sequitur naves : Ceu prata molossus
Metitur, docet ille feras, cita vertere terga,
Non illum impediunt obstantia gramina campi,
Quo minus impavidus pavidum pecus urgeat ægrè.
Haud

Haud secus Eure tuis concedunt flatibus ipsi
Fluctus, ac longo patiuntur vulnere sulcos.

Iamque iter inceptum peragunt per salsa carinae
Arva, relinquentes varias post terga superbis
Vrbibus excultas regiones: Flandria dives
Iam ponto apparet, quæ nostras viderat olim,
Viderat & multum doluit sensisse phalanges.
Hinc (Vtinam possent feri meminisse Nepotes)
Austriacos quondam pepulit Mauritius Heros,
Et nihil Hollandos docuit debere Philippo,
Sit licet imperio sævus, sit magnus in altum.
Divitijs structis cumulum, per fasque nefasque.
Iam domus Ostendæ, nunc & Dunkerka, Caletum,
Apparent, oculisq; occurrunt Gallica rura.
Anglorum hinc fugimus, fugimus tua Celtiber arva,
Et ducis Albani patriam, monstrosa Toleti
Littora, & Hispani mox præterlabimur oras.
India noster amor, nostri sunt India cursus,
Nil ultra petimus, discent hic stare carinae.

Iamque ferè extremo spatio cursuque peracto
Errabant undis puppes, cum nocte repulsæ,
Exiit implicitum tenebris humentibus orbem
Oceano prolata dies, tunc clara metallis
India luminibus Batavorum crescit avaris.
Segnia sed lento procedunt carbasa cursu.
Non aliter, credo, gemini quam fœdere juncto
Obscurâ sub nocte lupi, licet ilia pulset
Pallida sæpè fames, penitus sua robora & ungues
Dissimulant, humilique meant per pascua plantâ,
Latratu resono vigilans ne nuntiet hostes

Cura

9
Cura canum, pecoriq; strui fraudesq; dolosq;
Suadeat, & pulso somno vigilare magistros:
Sic segnes Heröes eunt, lymphasque fluentes
Non simili scinduntq; viâ tentantq; Batavi.

Est locus in Cubâ tumidis circumfluus undis,
Havanam dicunt Indi, juxtaq; Matanzæ
Nascuntur, titulisq; novis Hispania surgit.
Hic dum cursus erat classi, videt HEINIVS Heros,
Nescio quam ponti verrentem cæcula puppim.
Illa prius sensit, quam vidit, rostra Batava,
Quippè capeſſebant pelago rorantia tela:
Sic jussi juvenes, docturi barbara tranſtra,
Ni docta externos Dominos agnoscere Belgas,
(Tantus erat terror cum tantâ febre) fuiſſent.
Miscemus porro voces, an classiſ Ibera
Venerit, an ventura moras hic neſteret. Illi
Fraude graves utrumq; negant. Sed providus Heros
Pergere non ceſſat, portum quin audet adire
Havanæ, atque inimica ferens vicinior arma,
Hostibus in medijs hoſtilem quærere claſſem,
Fulmineisque globis exponere fortia corda.
Quis tibi tunc Hiſpane metus? ſi pallidus unquam
Tunc vel eras, dubioque procul non diſcolor illi,
Cui via vitalis concludi reſte jubetur?
Hinc igitur rurfus Ductor conſcendit in altum,
Felices flatus tunc diſiunxere Sodalem,
Paucis cum ratibus currentem gurgite plano.
Cum nigro rutilans Veſper conſurgeret ortu,
Qui nimis albenſtem lucem mortalibus ægris
Invidet, ac ſuadet nos detergère diurnos

B

Sudores

Sudores, somnoque frui grataq; quiete.
 LONCKIVS emittit celeri tunc impete puppem,
 Quę specularicis (sic mos est) munus obiret,
 Illa per obscurā noctis caligine tecta
 Itque reditq; viam, dum læto lumine classem
 Cerneret Hispanam surgentem gurgite ab imo.
 Tum vero celeri cursu vada falsa resumit
 Ad socios, visasq; refert sibi nempè carinas
 Asturis, argenti prægnantes pondere & auri.
 Sicut cum cernit curvi Moderator aratri,
 Tellurem sibi commissum protrudere semen,
 Cernit & exiguis accrescere stirpibus istud,
 Concipit exiguum primo, quam crescere grana
 Mox maiora jubent spem, donec messis opima
 Ostendat minimè vanam fovisse colonum:
 Sic ubi viderunt hostilia carbasa Belgæ,
 Maior erat, multoque magis spes scandit in altum,
 Quam cum Battavicos primo liquere penates.
 Ergo ruinifono complebat cærulea bombo
 LONCKIVS, ut reliquis Ductorem navibus auctum
 Alliceret, possentq; simul contundere Iberos.

Mane erat, ac Titan lustrabat lampade terras,
 Humentisq; polo noctis detruferat umbras,
 Cum iunctis ratibus Ductores ritè coibant,
 Consilium magnis spoliis de rebus habentes.
 HEINIVS ex imo ducens suspiria corde
 Edidit Heroas augustā voce loquelas:

Non, ait, absque DEO cæli terræque magistro,
 Quo sine nil altum mens inchoat, aut facit unquam,
 Et Patrias sedes & dulcia liquimus arva:

Nec

Nec minus absque DEO pugnas ordimur & arma,
 Ille modo si facta regat, si capta secundet,
 Nil desperamus; flocci te pendimus Astur,
 Nec tua deterret nos dira potentia regni.

Hæc ubi dicta dedit, primo tulit ipse supinas
 Ad cælum cum voce manus, ac talibus infit:

O Sapiens mundi Rector, Regnator Olympi
 Ignorate malis & nulli ignote piorum,
 Pande viam precibus, nec nostros ebibe questus
 Auriculis duris: Facilis Dux antè carinas
 Battavicas prodi, nec dextera parcat Iberis.
 Fac timor hostiles, fac ut tua dissipet alnos
 Ira, nec impavidis fac ut sternamur ab illis,
 Ni tua conservet nos vasta potentia, frustra
 Pergimus, & frustra bellacia carbasa ponto
 Ponimus. Ergo memor nostri Pater optime casus,
 Quo toties ignes, toties ploravimus arma,
 Incute vim Boreæ, perituras obrue proras,
 Tangentesque ferè rutilantia sidera puppes
 Disijce, nos opibus tantis mactare iubeto
 Pauperiem, Patriasque simul reparare ruinas.
 Da Pater hæc nostro fieri rata vota precatu.
 Sic tua Belgicæ cantabunt nomina matres,
 Dum formosa dies noctem depellet opacam,
 Dum corvos nigros, albos cernemus olores,
 Dum Delphinus aquas, Sylvas aper incolet altas.

Dixerat, atq; animum pugnae DEVS in serit altis
 Pectoribus, vivaxque vigor præcordia munit
 Incenditq; viros: Quippè ingens ilia pulsat
 Cor, velut exultans vellet prorumpere ventre,

Ascribit sibi quisque meræ præconia famæ,
 Iam prædam putat esse suam, spe concipit aurum.
 Sedulus interea clavum detorquet in hostem
 Navita, Celtiberis avidum concurrere clavis.
 At Belgas magis atq; magis Dux HEINIVS acres
 Instigaturus verbis compellat amicis.

O Socij, vos consortes spolijs atq; laboris
 Adduxi mecum, nec vos sine dote relinquam,
 Non ego vos servos, socios sed nomino charos.
 Si quid Scipiadas fortes, veneranda Vetustas,
 Urbis Agenoreæ pestes, & sæva duelli
 Fulmina, commemorat quondam fecisse potenter,
 Hoc facite, ut factis non sint prælata Batavis
 Facta Togatorum; Siquidem vel fata subire,
 Vel decet Hispanos pessundare fortiter hostes.
 Nec vos attonitos reddat mors, aut numerosa
 Copia pignantum, & certantia carbasa cælo.
 Lux hodierna licet fuerit vestræ ultima lucis,
 Prima tamen vestri semper dicetur honoris,
 Vita licet pereat, clementum fama resumet.
 Sunt hostes fateor plures, sed sæpe duorum
 Præda canum facta est multarum turba ferarum.
 Sæpè unus Sampson maxillâ armatus aselli,
 Mille Philistæos de turbat mortis ad aulam.
 Sæpè unus diram Truncator Claviger Hydram
 Mortibus innumeris occidit, & una triformem
 Dexterâ Geryonem triplici cum morte trucidat.
 Nil opus hic triplici leto, mors sufficit una.
 Vos modo Samsones estote, atque æmula dextris
 Roboris Herculei desumite robora vestris.

Primus

Primus ego pugnae primos intrabo tumultus,
 Et decori æterno spero post ponere vitam.
 Vos quoque sic oro, Socij, ne turpe putetis
 Corpus in extremâ moribundum perdere terrâ.
 Omina sed spero meliora his. Ecce videtis
 Quam timidis illic ratibus stet classis Ibera.
 Vos igitur celerate viam, celerate labores,
 Debet in austeris quæri Victoria rebus!

Talia dicturi grassatur maior in ora
 Sanguis, & elato spirat reverentia vultu.
 Effusæ stant ergo rates, stat tota juvenus,
 Nilq; magis poscit, nisi quod jam jamq; furenti,
 Dum vindex sævit rabies, sibi dentur Iberi.

Ecce propinquabat iam classi classis, & ardens
 Belga premit plumbum, mox mox torturus in hoste.
 Bombilat instar apis fugientis Celtiber ingens,
 Quam fugat à dulci vesanus flore colonus,
 Et dives bellare timet, varioque tumultu
 Excursare rates mavult, ac vertere terga.
 Qualis ubi immanis vultur suffusus abundè
 Lumina spurcitie, concretis sanguine plumis
 Humano, stat reliquias complexus inanes
 Defuncti, nunc membra premens semesa cruento
 Pectoribus rostro nudis, visuque trementi
 Metitur campos, si quis concurrere secum
 Audeat, ac prædam rapere, aspicit eminus ad se
 Armigerum tranare Iovis, tremit, ac sua purgans
 Rostra, salutiferis campo se subleuat alis,
 Respiciens deserta sibi nunc viscera prædæ.
 Ille famis dudum circumvallatus anhelæ

Obsidione gravi, partâ suâ mœnia prædâ
 Liberat, ardoremq; suum depellit edendi,
 Quæque nequit solus tunc deglutire, prehendit
 Ore, suis referens lætis convivia pullis.
 Talis erat miles, talem se miles agebat
 Hispanus, Potoso surreptam relinquere glebam
 Cogitur Hollandis, Hollandorumq; carinis.
 Nunc latâ calamus noster spatietur arenâ!
 Nunc scandunt Batavi, scandit Neptunia pubes
 Sidereas puppes, minitantes nubibus alnos.
 Navis omittit Iber laxas Nauclerus habenas,
 Abruptoq; quatit fugitivus littora saltu.
 Pars pelago, pars puppe cadunt, ut inertia motu
 Corpora, ridiculæ non dant conamina vires.
 At contra horrendis Belgæ clamoribus instant,
 Vicinique premunt prægnantia scrinia Gazis,
 Pars spoliare rates, pars gaudent agmine denso
 Aut onera excipere advenientû, aut carbasa flammis
 Perdere. Fervet opus, sunt tædia nulla laborum.
 Nunc ego tot calamos optarem, quot tibi quondâ
 Fama canit vigiles oculos vigil Arge, fuisse,
 Possit ut Hispani describi carmine digno
 Mæror, & Hollandi contraria signa doloris.
 Sed nihil hic profunt calami, vigor Entheus alti
 Poscitur in genij, nec non grave mentis acumen,
 Quod quoniam non æqua mihi mea fata negarunt,
 Scitius ornabo Samij virtute magistri,
 Non profecturis minuam quàm grandia verbis.
 Hoc dixisse sat est; Hispanis convenit ille,
 Qui color infectis adverso Solis ab icu

Nubibus

Nubibus esse solet, vel matri Memnonis ortæ.
 Hic color, hic faciem pingat, vultumq; coloret.
 O in perpetuos huic genti dedecus annos!
 O pudor! O nullâ cessans cum posteritate!
 Non piget Hispanum tam grandia carbasâ ponto
 Ponere, quæis solis communicat Atrifer Atlas,
 Quos negat aërijs se tradere velle labores
 Turribus: ast illum piget his concurrere cymbis.
 (Tanta vides inter nostras discrimina puppes)
 Arduus ut collem mons vincit & altior extat:
 Belgica Celtiberis sic cedunt carbasâ proris.
 Adde quod illius duplo majore catervas
 Vicissent numero nostras, nî mente minori
 Ille suas, (En quanta viro sunt pectora tanto!)
 Debilitasset opes, nostras nî mente Batavus
 Firmasset contra maiori, fîsus Olympo.
 Huius & illius caput hinc diversa fatigant,
 Nam dolet hic tantam liquisse, sed ille repertâ
 Lætatur prædâ: Sic exercetur uterque.
 Et meritò. Nam tanta quidem præstantia prædæ
 Eminent, ut mundi tremor, uno tempore nunquam
 Pellæus Iuvenis similem rapuisse putetur.
 Hîc Gazæ occiduae rutilant, quas India dives
 Mittit, & in varijs peregrinas educat oris,
 Hîc merces splendent precioso lumine, quales
 Mercator rubris capsis exoticus affert,
 Tincturæque, quibus demortua purpura rursus
 Vivit, & antiquos imitatur pænè colores.
 Hæc inter corium, pelles, & plurima restant,
 Quæ foret immensus labor omnia pandere versu.

Iam

Iam servos taceo, taceo tot corpora capta,
 Quæ sibi Belgiacus Victor servire coëgit.
 Sed numerum superant argenti, auriq; talenta,
 Divitiæ, quales veteres habuere Mycænæ,
 Quæq; mari gemino circumvallata Corinthus.

Belga tibi flavos jam laxat Lydia fontes,
 Tequæ suis gemmis locuples iam ditat Erythra,
 Hollandasque plagas collecto turbidus auro
 Implet Pactolus, secum flaventis arenas
 Adducitque Tagi: Potosi Penetralia nondum
 Cognita Celtiberis, tibi servant fulva metalla.
 Hæc tibi dona rogant, sint ut præludia tantum
 Donorum, quæ nempè brevi tibi mittere sperant.

Iamque reversuræ classis Dux HEINIVS, ausis
 Exultans tantis, licet & rutilantibus astris,
 Atque quietiferâ nox omnia clauderet umbrâ,
 Versabat curas, pellebat & otia somni,
 Atque animo patrias iter instaurabat ad oras.
 Vix abitura novo pallebant sidera sole,
 Belgica cum miles remeabat Victor ad arva.
 Linteæ vertuntur retrò, versoque Batavi
 Cum clavo vertunt oculos, atque Indica relinquunt
 Rura, doloriferæ resonantia voce querelæ.
 Hic ubi Celtiberi stabant lugubre malorum
 In signum, fatis irati, magna ruinæ
 Argumenta viris veniebant pectore mæsto.
 Sanguineo nam luctus atrox discissus amictu
 Prodit, & invitat Nemesis fera corda virorum
 Irrita, nec veros secum latura furores,
 Illi multa movent animo planctuque recedunt.

Haud

Haud aliter densis pastor discedit ut orbus
 Ex sylvis, rediens ab atroci strage luporum,
 Cujus oves imber multus disiecit heriles,
 Et fremebundorum ventorum fortia flabra.
 Manè patent cædes, Domino perferre pavescit
 Tam tristes casus, multâ maculatus arenâ
 Questibus implet agros, nec jam numerare bidentes
 Amissas cessat, sed eas ciet ordine longo.

At Belgas plenis subitò celerare carinis
 Per mare Nereides cernunt, mirantur easdem,
 Quæ modo erāt vacuæ, nunc parvo margine puppes
 Metiri reduces lymphas, seseque gravatis
 Sic scindi proris. sed fati præscia, gnatas
 Ducit in extremum Genitrix Nereia pontum.

Continuò cœli nigro desurgit ab axe
 Turbine conspersus Borcas, cui prælia fronte
 Adversâ indicunt Austri, fera flamina, proni.
 Nec quoque purpureo Riphæus dormit in ortu
 Eurus, sed Zephyro contrarius instat & urget.
 Nunc buccas solvunt, nunc spirant. Inde quietis
 Horror aquis, inde & subitò detrusus ab omni
 Sole dies, miscent tenebras, quæis concolor unda
 Insurgit, lacerant obnixi nubila cœli,
 Diripiuntq; mari lymphas portantque sub astra,
 Et madefacturi stellas minitantur Olympo.

Interea Batavas naves modo gurgite in imo
 Depressas jaçant, modo tollunt sidera ad usque.
 Semideûm Heroum nec fortia robora profunt,
 Magnanimumque cadunt remi per pectus inanes:
 Pars contis munire rates, pars æquora fundo

C

Egerere

Egerere, ast alij deflent sua fata suosque.
 Ut verò elisit nubes tonitruque, micansque
 Fulgetrum, ceu nulla prius lamenta, nec imbres
 Manassent oculis : Sic ore miserrimus uno
 Exoritur clamor, mixtus stridore rudentum,
 Extemploq; Ducis febrili frigore membra
 Concutiuntur, atro deformes vortice palmas
 Ad cælum tollens gemebundus talia profert :

O ter felices verè, quos ora Parentum
 Aspiciunt gnatos morientes, quosque beatus
 Defunctos Patriæ tumulus sub mœnibus altis
 Contegit, & dulci abscondit tellure sepulchrum.
 Auri sacra fames tu mille negotia reddis,
 Tædia mille onerum tradis mortalibus ægris,
 Te propter subeunt immensos mille labores,
 Atq; atras hyemes, æstivaque sydera spernunt,
 Te propter dulce est, alti jeiunia ventris,
 Tantaleam perferre sitim, discrimina cuncta,
 Quæ cælum, pontus, peregrinaq; terra minatur.

Plura locuturum ventis fremebunda procella
 Impedit, & totum corpus madefactus in alnum
 Desiluit, furiant Aquilones, crebraque spirant
 Flabra Noti, donec ferè bis nova luna recrevit,
 Bis quoque fraterno sua cornua lumine fregit.

Interea terras rumor tristissimus implet
 Hispanas, ditis classem perijsse Philippi,
 Hostilique freto prædam portare Batavos;
 Ingemit, ac paulum fletu cunctatus acerbo,
 Rex sic orsus ait : Sublimia vulnera Belga
 Integrare mihi pergis furiasq; Batavas ?

O Naves Naves ! An credam posse renasci
 HEEMSKERKI bilem, diramque subinde reverti
 Hispalidos pestē? Non credam. Sed tamē HEINVS
 Belligeraturi stipendia militis au fert.

Ah ! Quæ stella meis cunis infesta fuisse
 Diceris, Ah ! Inhibe saltem vel siste furores
 Quæso tuos, nec me lethaliter opprime totum.
 A Belgis etenim quondam sæpè aspera passus
 Vulnera, sed nullum vitæ in secreta recepi :
 Nunc verò exsuperant, nunc debilitare trementis
 Imperij nervos tentant. Patiarne virorum
 Hoc tantum scelus, & tantus Rex lædar inultus ?
 Non patiar, modò sint ignes, modò ferra supersint,
 Castigabo viros Vltor memorandus & ingens.

Dixit, & Hispanum moliri iusserat alnos,
 Quasque malè amisit caput nunc quærere peius
 Divitias : Extructa mari nova Classis iniquo
 Infiluit, complent Cantabrica corpora puppes,
 Corpora, quæ perhibent æstûsq; hyemisq; famisq;
 Invieta, & palmam ex navali ferre labore.

Quid miserande facis ? Quò te furor ille Philippe
 Instigat vindex ? Nunquid satis ultus acerbè es ?
 Tum, cum nempè plagas implesti milite nostras
 Hispano, Furias cum Dux Albanus ab aulâ
 Tartareâ excivit furiosus, & effera Belgas
 Formidare rudes docuit tormenta tuorum.
 Quorum sunt testes Harlemum, ac squalida Nardum
 Tristitiâ, ac multum violata per oppida fenus.

Ecce rates Batavæ crebris agitantur in undis,
 Nec venti cessat rabies, nec ferrea nimbis

Villa quiescit hyems, cum magno vortice pontus
 Concuteret binas puppes, quæ protinus irâ
 Præcipitis Boreæ, & flabris abiguntur in altum:
 Dumque fretum dubiis velis hinc inde pererrant,
 Occurrunt fors quinque rates, quas fluctibus audax
 Emisit DVNKERKA suis prædonibus, ut nos
 Exuerent spoliis: Exutas antè sed illas
 Vidimus, & victas oculis inhiantibus alnos.
 Namque propinquant nos navita voce laceffit,
 Ac prior: Vnde viri, vel quò properatis in armis,
 Non humili terrore rogat: nec reddita contrâ
 Vox, fidamque negant suspecta silentia pacem.
 Rursus ait, quæro num prædam linquere captam,
 Et plenas puppes cum libertate velitis?
 Tum Batavus, si tantus ait, te vexat habendi
 Ardor, non renuo, cape quæ virtute duelli
 Vicinus, & Martis commercia Victor habeto:
 Sed si fortè putas me libertate relicta
 Subdere colla jugo victricia, falleris, erras;
 Antè meas patiar naves spoliūque nitroso
 Pulvere consumi, combustus ad astra volabo,
 Partaque Gaza mari mare per peritura natabit:
 Quam prædam, vitam, libertatemque paternam
 Eripient hostes. Nam quæ mihi summa Tonantis
 Largitur bonitas, teneo, longumque tenebo.
 Ille sub hæc: faxo vos iussa capeffere nostra.

Protinus horrifonis Belgarum carbasa pulsat
 Ictibus, ac rapidis deformat transtra favillis.
 Illa velut rupes immoto faxea nisu
 Consistunt, donec facta est via prona nocendi,

Tunc

Tunc atros globulos plenis è faucibus igne
 Eruçant tormenta vago, librantque ruinam
 Immanem, simul arma virûm, simul ora manusque
 Pervolitant, mixto sederunt pectora ferro,
 Sulphureâque hostes dejecti mole globisque
 Congemuere, fugâ tremefactum protinus agmen
 Excutitur captis, & terga minacia vertit.
 Inter utrumque prius dubijs Victoria pennis
 Æthera tranabat, sed pulsus scandit Iberis
 Belgiacas proras, victrici nobile palmâ
 Cincta caput, levibusque alis & honore revincta.

Vix erat armorum finis, pariterque quiêrunt
 Flamina, & exhausto metam imposuere furori,
 Spumiferi placido sedantur gurgite fluctus,
 Pone sequebatur Titan cœlumque serenat,
 Æthereisque plagis deterfit nubila ventus,
 Collegitque rates undis hinc undique sparsas.

Defessi Belgæ quæ proxima littora, cursu
 Arripiunt, lassæ vertuntur ad arva carinæ
 Anglica, quæ Nerei sunt circumsepta procellis,
 Hîc naves unco terris ligat anchora morfu
 Ferrea, & egressis sociâ sub pace, reclusæ
 Hospitibus patuere fores: Tunc tædia ponti
 Abluit ex animo Batavus, pensatque dolorem
 Æquorcum, optatæ lætæ dulcedine terræ,
 Tunc simul infandis venere obliviam curis,
 Tunc epulæ, felixque sopor, noctesque quietæ.
 Quassatam ventis Ductor subducere classem
 Præcipit, & ratibus sylvas aptare trabesque,
 Et lacerata fretis reparari carbasa jussit.

Omnia contingunt, neq; quenquam vota morantur:
Sola deest Patria, imperfectaq; gaudia claudit.

Iamque resecta viæ classis studiosa supremæ
Deferit arva soli, valedictis ritè Britannis,
Intrat & arva sali, Neptunum rostra salutant,
Et citò præcedunt, & flamina ponè sequuntur.
Vix gelidam Phæben & caligantia primus
Clauserat astra dies, cum iam rubet igne futuro
Oceanus, latèq; novi iam Solis apertum est
Adventu pelagus, radiorum luce coruscum :
HEINIVS expandit multos utrinq; rudentes.
Lataq; veliferi porrexit brachia mali.

Postq; dies aliquot, cum se exoptata levasset
Battaviæ tellus, hæc voce silentia rupit :

O fidi focij per densa pericula vecti
Fluctivagi maris atque Austri rabiemq; minasq;,
In melius fatum vestras iam vertite mentes,
Finis adest etenim tantorum & meta malorum,
Iam dignâ mercede labor pensatur honoris,
Præmia mille dabit factorum gloria vestrûm;
In promptu est : Sic effatus cum voce reflexit
Lumina. Nam Patriam gavissus nauta salutat
Lætificis bombis per ficta tonitrua terram,
Mox autem tellus ratibus vicinior instat,
Indubitata magis propinans gaudia Belgis.
Ast ut ad optatas urbeis, portûsq; petitos
Perventum, ceu nulla prius data juba gestu,
Sic omni exultant præcordia dulcia plausu,
Turba furit, reboat gratantûm vocibus æther.
Tandem progreditur magnâ stipante catervâ

HEI-

HEINIVS invictus, sequitur quē LONKIVS ingēs,
 Magnorum decora alta virūm, iam fronte sereni
 Et nosci poterant Herōes, terra superbit,
 Gressibus atque vijs exultavāre plateæ.

Postera lux latum splendore impleverat orbem,
 Nassovicus Princeps cum doctam currere rhedam
 Misit, honorandis ut Ductor uterq; Triumphis
 Oppida magnificæ lætus veheretur ad Hagæ:
 Iamque ferè medius Phæbus venientis & actæ
 Noctis erat, spatioq; pari distabat utrinque,
 Rectores urbis cum regia tecta subibant:
 Tum multum effusi stabant per mænia cives,
 Sublimeisq; altâ statuebant laude Triumphos.
 Et iam adventabant, quēis lætâ fronte salutans
 Occurrit Princeps Procerum comitante caterva,
 Pauca viris memorans gratanti voce manuq; :
 Postmodo regales ædes intrabat, & unâ
 Ductores, lætisq; dabant sermonibus horas,
 Regalique simul peragunt convivia luxu
 Belgiaci Proceres, Venerandi turba Senatūs,
 Quorum consilijs Patriæ res stantque caduntque,
 Celsa virūm decorant auratâ colla catenâ,
 Et post dona simul dictis affantur amicis :

Parva quidem fuerint magnis hæc præmia factis
 Heroës, precium virtuti, pignus amoris :
 Sed tamen æternos vobis instaurat honores
 Fama, peregrinis ingentia nomina terris
 Extento cantura ævo. Namq; undè nitentem
 Progignens, formosa diem Pallantias exit,
 Et quâ deciduo descendunt Sole quadrigæ,
 Cantabit

Cantabit vestras laudes, & mille parabit
 Linguas, mille annos, totidemq; in carmina voces,
 Extremasque tubâ gentes ad tanta novarum
 Argumenta vocans rerum, memorabit ut ambo
 Pro carâ Patriâ, pro Relligione focisque,
 Hostibus haud parvum dederitis vulnus Iberis.
 Nunc stabilimentum vos libertatis avitæ
 Constanti fulcro posuistis, mens generosa
 Nativo vivas emisit fomite flammæ,
 Non sunt ampla satis Patriæ pomæria vobis
 Æsonidæ sicut quondam, reliquisque Pelasgis,
 Thessalicæ quos non capiens angustia terræ,
 Compulit ad Scythicas ignoti Phasidos oras.
 Scilicet acclivi portatur gloria curru,
 E duris pariens molles sibi semper honores.

Tum Dux subridens breviter sic HEINIVS inquit;
 Eximij Proceres nimium confertis honorem
 Nobis, parvus honor nobis, sed magna Tonanti
 Gloria debetur, cujus præconia laudis
 Aurea vix capiunt librati mœnia cœli,
 Huic soli Belgæ plaudent, gentesque remotæ
 Frigidus huic plaudet Tanais, Ponti utraq; plaudent
 Littora, collaudant extremæ nomina terræ.

Sic fati Proceres, Sic fatus et HEINIVS, ora
 Compressere, simul cunctis mandata dabantur
 Urbibus, ut grates Ecclesia tota Tonanti
 Solennes ageret, decantaretque suave
 Turba melos, modulâs Domino pia carmina magno.

Vesper erat, Phœbusque suos celabat amictu
 Nocturno radios, veniente sorore fugatus,

Ecce

Ecce die toto Belgæ præconia laudum
 Cœlorū pangūt Domino, & iā Tempia relinquunt,
 Pendula sacratis in turribus æra boabant,
 Certabantque vago resonantia Tympana pulsu,
 Undique sublatus feriebat fidera clamor,
 Machina sulfureos iactabat æhenea bombos,
 Cuius humi jactu sternuntur mœnia grandi.
 Non secus : ac fractis si stellis celsus Olympus
 Corrueret, spatiumque foret tibi cœlifer Atlas
 Optatum respirandi, cœlum omne remugit
 Vocibus, atque imis resonant tabulata cavernis,
 Ceu librata cadunt rapidis ubi fulgura telis,
 Fulgura, quæ Brontis quatiebat malleus olim,
 Et Steropis sudor, socijque Pyracmonis ignes
 Versabant, claudusq; Pater fornace probabat.
 I SALA conspiciens plaudentis gaudia turbæ,
 Sustulit è medijs rorantia lumina lymphis,
 Pertur & in modicos resolutus rite cachinnos,
 Ore susurranti tales fuisse loquelas :

Salve Munimen Belgî, præstabilis HEINI,
 O Decus, ô Patriæ spes altera, terror Iberi
 Vnice, tempus erit, quo dives Iberia quondam
 Concidet ante pedes Belgarum, vincita catenis.
 Dixit, & ima petens flavum caput abdedit undis,
 Vtraq; ripa sonis lætis ter læta fremebat.
 Tum simul arripiunt fætentia sulphura, vires
 Vulcani, pice vasa micant flammantia nigrâ,
 Quæ circum pueri choreas, ducuntq; puellæ,
 Vulgus Iō Pæan, omnesq; Triumphæ canebant.
 Talia magnanimis statuuntur ubiq; Trophæa

D

Nempe

Nempe viris, intraq; vias intraq; plateas.
 Qualia commemorant passim statuisse togatos
 Terrarum Dominos, vasti victoribus orbis :
 Qualia Victori ad Cannas statuisse feruntur
 Hannibali Poeni quondam, Tyrijq; bilingues :
 Qualia Gallorum nuper Monlucius Heros
 Semper mansuro statui sibi vidit honore.
 Deniq; Pompales grato clauduntur honores
 Munere, Victorem Proceres jussere Batavi
 Vnanimi HEINIADDEM præfectum voce citari
 Oceani, circum qui Belgica labitur arva.
 Ditia distribuunt Hispani fragmina casûs
 Militibus lætis è bellatricibus alnis.

Hæc super insignem prædam Batavosq; canebam ;
 Et super Hispanum Regis Regniq; dolorem.
 Parvula devoto iam collige carbasa portu
 Musa, dein magnas mecum scansura procellas.

Tu DEV S omnipotens, cuius bonitate Batavus
 Libera Celtiberis subtraxit colla catenis,
 Hispanos placa maiori clade furores,
 Et facinus versare Duces da peius Iberis.
 Forte nimis tenui laudes cecinisse Camænâ
 Fastidis, totus minimè quæis sufficit orbis ;
 Scis DEV S, & pueri facundia præterit annos,
 Tu modo materiem mihi suggere plura canendi,
 Cœlestique riga Permesside pingue cerebrum.
 Sic tua maiori, maior cum competet ætas,
 Nomina cantabo metro : Sic denique spero
 Laudibus Hollandæ dignis celebrabere linguæ,
 Quæq; sedes supra, tangent tum sidera grades.

Interea

Interea Batavis æternæ munera pacis,
Auspicijsq; tuis concordia fœdera sunt.



EPICEDIVM

IN obitum

PETRI HEINII


VT quondã primus contingens littora Troiæ,
Vir cecidit primus Laödamia tuus:
Sic avidus pugnae, fortissimus HEINIVS, hostẽ
Dum prohibet primus, primus ab hoste cadit.
Magnus utrinq; dolor: Sed non par gloria facti,
Gloria cui soli sæcula nulla nocent.
Illum fida thori consors comitatur ademptum
Morte: Sed hunc fletu Terra Batava suo.
Illius focios decimus vix senferat annus
Victores, tenuit quos mora longa nimis:
Hic Patriæ victos monstrat vix mortuus hostes,
Vivus adhuc in quos fortiter arma tulit:
Si dignè hic ergo defleri debuit Heros,
Vnda suas lachrimis multiplicaret aquas.
Damnaretq;

Damnaretq; suas Victoria saucia lauros,
Sistere queis mortis non potuisset iter.
Si dignè hic posset laudari, nomina tanti
Antipodes possent commemorare viri.
Huius & ad laudes capiendas celsus Olympus,
Porrigeretq; suos Axis uterq; sinus.

Franciscus Martini Scholæ
Campensis Discipulus.

FINIS.





F629
M377a

mi, th^c
p

